



**PLEC PARTICULAR DE CONDICIONS TECNICO-FACULTATIVES ENTATH
PROFITAMENT DE HUSTES
ENE MONTE D'UTILIDAD PUBLICA
NUM. 306 “RIBÈRA DETH NERE” QUE TANH A VIELHA
(TÈRME MUNICIPAU DE VIELHA E MIJARAN)**

1 - Identificacion deth monte

Denominacion: Ribèra deth Nere

Nombre deth Catalog d'Utilidad Publica: 306

Apertenencia: Ajuntament de Vielha, deth tèrme municipau de Vielha e Mijaran

2 - Caracteristiques e descripcion deth profitament

2.1 - Justificacion deth caracter extraordinari deth profitament

Entres ans 2016 e 2018 es Entitats propietaries des montes d'UP e eth Conselh Generau d'Aran, signeren un **Convèni** qu'à per objècte era mobilizacion de biomassa forestau des montes d'Utilitat Publica entath sòn posterior usatge coma hònt energetica en establiments publics e privats d'Aran e a on eth Conselh Generau pòt encomanar era realization dera limpresa e/o trebalhs silvicòles a quinsevolh empresa tostemp que, complisque es requisits tecnics e administratius que se solliciten e qu'era legislacion vigenta ac permete.

Pendent er an 2019 se procedic per part de tècnics deth Conselh Generau d'Aran a senhalizar es unitats d'actoacion der **èish num 17** nomentat **Tuca-Pontet**, establit dejà ena Programacion tà biomassa entath periode 2020-2030.

Es actoacions s'an diferenciat en dus tipes: es unitats damb husta prima (MD) principaument e que ja s'an finalizat a dia d'auè, e es actoacions enes unitats a on predominen es arbes tamb diamètres de mès de 26 cm e tamb husta ben valorada. Era pèrta des merques, er interès comerciau que presente aguesta husta en aguest concret moment e pera localizacion en aguest èish viari, suggerís qu'ei convenient procedir de manera urgenta ara sua venta e profitament, abantes dera desparicion des mèrques e mèrma des sòns atributs comerciaus.

2.2 - Localizacion

Era zòna objecte deth profitament ei constituïda per petites unitats d'actoacion independents a on majoritàriament i a husta grossa (arbes d'entre 28 e 70 cm de diamètre normau) e que s'estenen ath long dera **vía de treta principau** nomentada **Tuca - Pontet** (referit coma **èish num 17** ena Programacion tà biomassa entath periode 2020-2030) que i a entre es dus montes.

Era ubicacion concreta d'aguestes **unitats d'actoacion** figure en plano annex ad aguest Plec e s'identifiquen tamb numeracion romana tal e coma s'indique ara seguida:

- **MUP num 306: I, II, XXV, XXVI e XXVII**

2.3 - Límits dera demarcacion

Totes es unitats d'actoacion s'identifiquen pera sua continuïtat a camins o pistes forestaus accessibles damb camion de monte e era intervencion minima demore limitada en ua **franja de 25 m d'amplada** (mesuradi sus eth terren) **per dessús eth desmonte** dera via e de **45 m d'amplada** (mesuradi sus eth terren) **per dejos eth terraplen**.



2.4 – Causa cèrta

Bracada de **620 pès**, principaument d'auet (*Abies alba*) mercats damb pentura e classificats en dues categories, MD (husta prima) de 14 a 26 cm de diàmetre normau e MG (husta grossa) de 28 a 82 cm de diàmetre normau.

Eth tractament silvicòla a realizar ei ua bracada de causida pè a pè damb caractèr de melhora e damb era següent **distribucion diametrica** orientatiua (ϕ ei eth diàmetre normau mesurat ara nautada de 1,3 m deth solèr):

- 14 cm $\leq \phi \leq$ 18 cm: 241 arbes
- 20 cm $\leq \phi \leq$ 26 cm: 151 arbes
- 28 cm $\leq \phi \leq$ 42 cm: 111 arbes
- 44 cm $\leq \phi \leq$ 82 cm: 117 arbes

2.5 - Cuantía aproximada

555 mètres cubics de husta evaluats tamb cròspa e enquia 7 cm en punta prima e senhalats en ua superficia aproximada de **5 ha**.

Tot e qu'eth volum estimat ei de 555 m³, se considere qu'eth 90% deth volum de husta d'entre 28 e 82 cm de diàmetre serà era que resultarà tamb un destin comercial ben valorat, en conseqüéncia eth volum reau de **husta comercial objecte d'aguest profitament ei de 412 m³**.

Es categories diametriques queden distribuïdes dera següent manera:

- 14 cm $\leq \phi \leq$ 18 cm: 35 m³
- 20 cm $\leq \phi \leq$ 26 cm: 63 m³
- 28 cm $\leq \phi \leq$ 42 cm: 116 m³
- 44 cm $\leq \phi \leq$ 82 cm: 341 m³

3 - Modalitat d'alienacion

En pè, tamb cròspa e a risque e asard.

4 - Taxacion

4.1 – Prètz base

7.500,00 € (set mil cinc cents euros).

4.2 - Prètz índex:

9.375 € (nau mil tres cents setanta cinc euros).

4.3 – Impòsti:

Es prètzi precedents non includissen er IVA ne cap tipe de taxa locau, er impòrt deth quau aurà d'ester abonat per adjudicatari deth profitament.

5 - Termini d'execucion

Un an a compdar der autrejament dera licéncia de gaudiment.

Er otorgacion d'aguesta licéncia, aurà d'èsser efectiva en termini de **4 mesi** des dera adjudicacion definitiva, e demorarà supeditada ath compliment de totes es condicions tecnicas e economicas requerides pera Entitat proprietària. Er incompliment d'aguest punt supause era annullacion dera adjudicacion definitiva.



6 - Epoca de realizacion

Tot er an.

7 - Condicions Generaus

Es trebalhs que tanhen ath present Plec son sometudi as nòrmes que regulen es profitaments enes Montes d'Utilitat Publica. En conseqüéncia, entà tot aquerò non indicat de manera explicita en aguest document seràn d'aplicacion es prescripcions establides en Plec Generau de Condicions Techniques-Facultatives (Resolucion de 24/04/1975) e en Plec Especial de Condicions Techniques-Facultatives (Resolucion de 06/05/1975).

8 - Condicions especifiques

8.1 - Contròtle deth profitament

Se portarà a efècte peth personau tecnic deth Conselh Generau e representants dera entitat propietària deth **MUP num 306**, propietat de Vielha.

Se lheuaràn **actes** de liurament o de quina auta natura sigue prevista ena legislacion vigenta quan atau siguen sollicitades peth beneficiari o ac decidisquen discrecionaument es parts implicades en eth contraròtle deth profitament.

Abantes d'inciar es trebalhs, er adjudicatari aurà d'entregar **obligatoriament** as servicis tecnicos deth Conselh Generau e èster validat pes madeishi, un **Plan de trebalh** a on s'especificaràn es tempsi e manera de procedir en tot eth profitament, eth personau qu'ac executarà e maquinaria que i trebalharà.

8.2 - Execucion dera bracada:

Sonque se bracaran aqueri **arbes senhalats** damb mèrques de pentura dispausades dera següent manera:

- Tamb **dus punts en zònes oposades deth tronc**, es arbes de diamètre normau d'entre 14 e 26 cm (inclusives) classificats ena categoria MD (husta prima).
- Tamb **dues crotzes en zònes opausades deth tronc ath delà d'un punt ara basa deth madeish**, principaument enes arbes de diamètre normau de mès de 26 cm classificats ena categoria MG (husta grossa).

En eth cas que non existisse berà ua des dues mèrques, er arbe **non poderà abater-se sense conformitat prealable des tecnics**. Serà responsabilitat deth rematant verificar, abantes de bracar, er arbe qu'efectivaments presente era mèrca e chaspe.

Aurà de bracar-se toti es arbes mercats, maugrat que non interèsse era sua extraccion, e includidi aqueri non maderables.

Era **caiguda des arbes** se dirigirà de manera que se produisque eth menor damatge possible ar arbrat restant, en tot preservar-se mès que mès eth regenerat existent.

Era **nautada dera tocona** der arbe bracat aurà d'èster inferior a 10 cm mesurat ena zòna aigües en sus.

A fin d'evitar dammatges sus er arbrat residuau, cau **desbrancar** eth tronc abans d'èster desemboscat.



En cas que demoren **maumetuts**, trincadi o doblegats pera caiguda des arbes, pès de mèns de 20 cm de diàmetre, auràn de trocejar-se coma d'ua rèsta dera bracada se tractèsse.

Des **arbes bessons de mès de 26 cm de diamètre**, se bracaran unicaments aqueri pès mercats en tronc, e qu'era soca presente tanti punts de pentura coma pès bessòns se tròben mercadi. En es casi en qué solament sigue mercat bèth arbe bessòn e calgue respectar es restants que compartissen era madeisha basa, era seccion de bracada des tocones li calerà presentar ua inclinacion superiora a 30 grads respecte era orizontau.

Es socs auràn d'auer estat ellaborats (despuntats e desbrancats), abantes d'ester desemboscats.

En cas que se braque beth arbe de mès de 26 cm de diametre normau e considerat pera administracion forestau coma **damatge inevitable**, aurà d'ester senhalitzat peth operari damb ua crotz, tant ena tocona coma en tronc, entà atau poder comptabilizàc posterioraments ara sua bracada. Aguesti poderàn èster retiradi per adjudicatari ath prètz unitari dera adjudicacion.

An d'extreir obligatoriament deth monte toti es productes qu'en trozas (soccs) de mínim, 2 m de longitud, e qu'agen un diàmetre en punta prima parièra o superior a 12 cm.

Es trozas (soccs) qu'era sua dimension en punta prima artènhe un diàmetre minim de 20 cm poderàn abandonar-se en solèr sense èster profitades, mès desbrancades e tamb longituds inferiores a 5 m.

Eth profitament aurà **d'iniciar-se obligatoriament** pes unitats d'actoacion deth **MUP 306** tamb era següent seqüència: I, II, XXVII, XXV e XXVI (veir ubicacion en plano der annex). Exerce que s'autorize explicitaments per part d'era Administracion forestau, li calerà acabar cada unitat d'actoacion abantes d'iniciar es trebalhs en ua auta.

8.3 - Restes de bracada

Es rèstes o despolhes vegetaus de redussides dimensions generats coma conseqüència deth profitament (branques e capçades des arbes) auràn de trocejar-se a ua **longitud inferior a 1,5 m**.

Es arbes de diamètre normau inferior a 14 cm que resulten maumetuts coma conseqüència dera bracada e desembosc, auràn de talhar-se e tractar-se de igual manera qu'es restes de bracada (trocejat en longitud inferior a 1,5 m).

Ena **franja de 10 mètres** a banda e banda dera via de treta, es rèstes de bracada s'auran de trocejar en tamanhs de **longitud inferior a 0,5 mètres** o eliminar-se mecànicament.

Eth trocejat se aurà de hèr de forma simultània ara elaboracion dera husta e er incompliment d'aguesta clausula serà motiu dera **interrupcion immediata** deth profitament.

8.4 - Vies de treta

Era infrastructura viària se qualifique coma sufisentament bona tamb eth sòn estat actuau entara extraccion dera husta. Donques, s'er adjudicatari considerèsse convenient eth sòn condicionament, eth finançament dera òbra correrie ath sòn compde.

Es mashines e es camions sonque poderàn interrómpre eth trafic rodat pes vies de treta en moments puntuaus en qu'es prumères siguen desemboscant e es camions cargant.



S'autorize er apilament dera husta enes amples dera via, es cargaders establits ath long d'aguestes, o ath cant deth desmonte e terraplen, tostemp que demore abilitat eth pas entà tot tipe de veicles rodats.

A mesura que se concludisquen es trabalhs en cada unitat d'actoacion, auràn de retirar-se es rèistes de braçada dera explpcion dera via de treta (includint cauçada, desmonte e terraplen).

8.5 – Profitaments extraordinaris:

Se pendent eth termini d'execucion deth profitament se produsissen damatges coma conseqüéncia de ventades, nhèu, plagues, incendis o ua auta causa imprevista, es productes poderàn èster liuradi ar adjudicatari ath prètz unitari dera acabada o ben a un aute inferior era arrason ath sòn grad de pèrta e cada viatge qu'eth sòn volum non excedisque 25% deth profitament adjudicat. Er eth cas qu'eth volum siguesse superior, se procedirà a ua naua adjudicacion.

Dera madeisha forma, se seguirà entàs productes procedenti de bracades fraudulentes realizades per tresaus e entad aqueri derivadi de tractaments silvícoles.

8.6 - Consideracions economiques:

Es despenses que se genèren coma conseqüéncia des operacions “de contada en blanco” (recompde), atau coma d'autis mesuraments sollicitadi per adjudicatari, auràn d'èster pagadi peth pròpri rematant.

Eth prètz d'adjudicacion poderà èster revisat s'eth profitament siguesse objècte de prorròga.

8.7 – D'autes consideracions

Er adjudicatari a de dar avís ara administracion forestau **der inici e fin des trabalhs, 5 dies abans** dera data.

Er adjudicatari li cau complir es condicions mercades pera legislacion en vigor, en çò que tanh a **Seguretat e Salut** en trabalh.

Er adjudicatari, abans d'iniciar era òbra o trabalh forestau, li calerà presentar per escrit e deuant era administracion forestau era **relacion des trebalhadors e encargat** d'aguest profitament, ath delà dera **maquinària** que trabaixarà ena zòna e un plan de trabalh d'aguest profitament.

Era **senhalizacion corriècta des trabalhs** d'aguest profitament serà obligatòria e serà a cargue deth **adjudicatari**.

Engenhaira Forestau Conselh Generau d'Aran
Signatura electronica